

## Պաղաղբյուր

Մակերես՝ 13,02կմ<sup>2</sup>

Բնակչություն՝ 153

Տնային տնտեսությունների թիվը՝ 40: Գյուղ Տաշիրի տարածաշրջանում, Տաշիր քաղաքից 20կմ հյուսիս-արևմուտք, մարզկենտրոնից գտնվում է 72կմ հեռավորության վրա: Նախկինում Սոյուղբուլաղ գյուղը հիմնադրվել է 1870թ. , վերաբնակեցվել է 1989թ-ին հայերի կողմից: Պաղաղբյուր է վերանվանվել 1991 թվականին: Բարձրությունը ծովի մակարդակից 1750 մետր: Կլիման բարեխառն լեռնային է, տևական , ցուրտ ձմեռներով: Ամեն տարի հաստատվում է կայուն ձնածածկույթ: Ամառները տաք են, համեմատաբար խոնավ: Տարեկան մթնոլորտային տեղումների քանակը՝ 600-700մմ: Հաճախակի են ուժեղ փոթորիկները և քամիները: Գյուղատնտեսական նշանակության հողերը՝ 1193,3 հա, որից՝ 20,5 հա վարելահող, 650,9 հա խոտհարք, 503,3 հա արոտ: Գյուղի մասնագիտացման ուղղությունը անասնապահությունն է: Գյուղն ունի սառնորակ աղբյուրներ: Համայնքն ունի հիմնական դպրոց, մշակույթի տուն, բուժկետ: Համայնքի հիմնախնդիրների մեջ կարևորվում են խմելու ջրագծի ներքին ցանցի կառուցումը, գազաֆիկացումը, գյուղատնտեսական մթերքների իրացումը, միջհամայնքային և գյուղամիջյան ճանապարհների վերանորոգումը : Համայնքը սահմանակից է Վրաստանի Հանրապետությանը: